

تورکیا بویوک ملت مجلسی

تخصیصات

یوز آلتیش بشنجی اجتماع

مندرجات

اوراق وارده :

ذخیره کرک رسنه متعلق قانونک مذا کره سی
فراغ وانتال خرچلری حقندہ کی قانونک مذا کره وقبولی
قوچکیری محتاجیننه معاونت اجراسنه دائر قانونک مذا کره سی
۳۳۷ سنه سی موازنه قانونک مذا کره سی

برنجی جلسہ

رئیس : برنجی رئیس وکیلی موسی کاظم افندی حفسر تلری

کاتب : ضیا خورشید بک (لازستان)

۲۵ - شباط - ۳۸ - جمعہ ایرتسی - ساعت ۱۰.۳۰ - صوکره

بویوک (قبول سسلری)

صالح افندی (ارضروم) - اصول مذا کره حقندہ
سویلیه حکم . سزہ برشی آکلاتیق ایستہ یورم که بوذات
ملکیتله علاقه داردر . وخسته در . نادن شمندی به قدر
بواشی سورونجهمده بر اقدق؟ نادن بو تخصیصات مسئله سندن
اوزون اوزادی به بحث ایدیلیوز؟

رئیس - افندم ! تخصیصات زایه وضع ایدلمشدی .
نتیجه آزانی عرض ایدیورم . تام تخصیصات نقصان
تخصیصات مسئله سی یوقدر . ایکی دفعه تخصیصات مسئله سی
رایه قونشدی . ایکنجی دفعه (۳۹) قبوله قارشی (۷۹)
رای ایله رد ایدلمشدر . بلا تخصیصات علی العاده بش آی

رئیس - افندم ! اکثریت وار . جلسہ فی کساد
ایدیورم . ضبط سابق او قونہ جقدر . [ضبط سابق
کاتب ضیا خورشید بک طرفندن او قوندی] ضبط سابق
حقندہ سوز ایستہ یورم وارمی افندم ! (قبول سسلری)
ضبط سابق عیناً قبول ایدلمشدر .

امین بک (ارغنی) - افندم ! بندہ کزک بر تقریرم
اوزرینه دیوان ریاستدن اوچ آی تبدیلیهوا آلمق اوزره
مناسب بریره ، آب وهواسی لطیف اولان بریره کیمک
اوزره مآذونیت ویرمشلر و تخصیصات ایچونده مجلسه
تکلیف ایدلمش . الآن بر نتیجه حاصل اولمامشدر .
بندہ کز تخصیصات ایستہ میورم . بش آی مآذونیتمه مساعده

مأذونیتی ایسته یور . تخصیصاته مأذونیتی رد ایدلی .
شمدی بلا تخصیصات مأذونیت ایسته یور . بش ایلق علی -
العاده مأذونیتی قبول ایدنار لطفاً اللری قالدیرسون !
(بش آی مأذونیتی قبول ایدلشدر)

مهاجرینک ۳۳۷ بودجه سنه تخصیصات علاوه سنه دائر
هیئت وکیلدن مورود تذکره واردر . موازنه مالیه انجمنه
حواله ایدیورز .

قوجه قفا اوغلی ابراهیمک عفونیه دائر هیئت وکیلدن
مورود لایحه قانونیه واردر . عدلیه انجمنه حواله ایدیورز .
امراض اوغلی حسنک ، علی اوغلی علینک ، دیمتری
قیزی غیانک ، قولی خان آغانک ورفقاسنک عفولرینه دائر
درت قطعه هیئت وکیلدن مورود لایحه قانونیه واردر .
عدلیه انجمنه حواله ایدیورز .

تعمینات ویم قانوننک تفسیری حقنده هیئت وکیل
ریاستی تذکره سی وار . مدافعه ملیه انجمنه حواله ایدیورز .
قونیه لی بشهره لی مصطفی افندینک عفوی حقنده کی
تکلیفک شایان مذاکره اولدیفنه دائر لایحه انجمنی مضطه سی
وار . عدلیه انجمنه حواله ایدیورز .

آراس لواسی تشکیلی حقنده کی تکلیفک شایان مذاکره
اولدیفنه دائر لایحه انجمنی مضطه سی وار . داخلیه و موازنه
مالیه انجمنلرینه کوندریورز .

بالطریق قانوننک تعدیلته دائر تکلیفک شایان مذاکره
اولدیفنه دائر لایحه انجمنی مضطه سی وار . اقتصاد انجمنه
کوندریورز .

چیلدر نامیه بر قضا تشکیلی حقنده کی تکلیفک
شایان مذاکره اولدیفنه دائر لایحه انجمنی مضطه سی
وار . داخلیه و قوانین مالیه انجمنلرینه حواله ایدیورز .

بعض نواحیده طایو تشکیلاتی حقنده کی تکلیفک
شایان مذاکره اولدیفنه دائر لایحه انجمنی مضطه سی
وار . قوانین مالیه و دفتر خاقانی انجمنلرینه کوندریورز .

نظامنامه داخلینک تعدیلی و روزنامه نیک تنظیمی
حقنده کوتاهیه مبعوثی جیل بکک ایکی قطعه تکلیفی وار .
لایحه انجمنه کوندریورز .

نواحی قانوننک شمدیدن ایکی لواده تطبیق حقنده

کوتاهیه مبعوثی راغب بکک تکلیفی وار . لایحه انجمنه
کوندریورز .

قونیه ولایتیه مضاف ارکلی قضا سنه کینین کوندرل سنه دائر
قونیه مبعوثی کاظم حسنی بکک برتمنی تقریری وار او قونه جقدر .
ریاست جلیلهیه

خلاصه :
قونیه ولایتیه مضاف ارکلی
قضا سنه کینین کوندرل سنه
دائر .

قونیه ولایتیه مضاف ارکلی قضا سنه کینین کوندرل سنه
بطاقلق واردر . بوندن دولایی هواسی مختلدر . خلقک
هان اکثریسی صتمه ایله معلولدر . بو کونلرده واردر
اولان تلغرافنامه لرده فقرای خلقک کینین تدارک ایددومه
ملرندن دولایی صتمه نیک مستولی بر صورتده اجرای حکم
ایتمکده اولدینی بیان وشکایت اولنیور . تخصیصاتی ختام
بولدینی تحقیق قلندی . سحت عمومیه به تعلق ایدن بویله
بر مسئله نیک اهمالی قطعاً جائز اوله میه جفتدن غندالحاجه
مجلس عالیدن اخذ مأذونیت و تخصیصات اولنهرق ارکلی
قضاسی خلقنک محافظه حیاتلرینه توسل اولونسنک و بوباده
وکالتجه بر چاره دوشونلسنک عحیه وکالتنه تبلیغی تکلیف
و تعی ایلم . ۲۵ شباط ۳۸

قونیه مبعوثی
کاظم حسنی
رئیس — افندم ! تقریری عحیه و معاونت اجتماعیه
وکالتنه حواله ایدیورز .

افندم ! ذخیره حقنده کی قانون وار ایدلی . مذاکره سی
اتمام ایدلی . بعض تعدیلنامه لر وار . اونلری او قونه جقدر .
شمدی افندم برر ، بزر تعدیلنامه لری او قونه جقدر .

ریاست جلیلهیه
رهنهی ماده نیک بوجه آتی تعدیلی تکلیف ایلم .
قره هکز لمانلرینه ، یالکز مصر و مصر اونلرینک
ادخالی ایله اکتفا اولونسنی تکلیف ایلم .

۲۳ شباط ۳۸
کونستانه
حسن فهی

ریاست جلیله

مسئله نك دركار اولان حیاتی ماهیتدن دولای
مستعجلیته مذاکره سنی و قبولی تکلیف ایده رز .

اسکیشهر	بولی	بولی	قسطمونی
خلیل ابراهیم	طونه لی حلی	شکری	دوقتور سعاد
قسطمونی	سیوره ک	قره حصار شرقی	ارضروم
بسیم	لطفی	مسعود	صالح
کنج	کنگری	بایزید	کوتاهیه
جلال	بهجت	عاطف	بسیم آنالای
قیصری	قیصری	بتلیس	سعد
عاطف	تاب	وهی	خلیل خلقی
			صاروخان
			رشاد

ریاست جلیله

داخله وحی آقره ایله هم حدود بولنان کرده
قضائنده بیه جک، آکجک ذخیره شده احتیاجلی
بولدینی مقامات رسمیه کان اوراق مخبره ایله متبتدر.
بوکون کرده ده درتوزغوشه ترفع ایدن برکیله ذخیره
تدارک و مباحیه امکان بوله میان الی بیک نفوسک آچلغه
محکومیتی قبول اولنه ماز. بوسیلله زونفولداق لیانسه کتیر یله جک
ایکنجی وحتی اوچنجی نوع دقتلرک کمرکنک رسم اصلی به
تزیلی لازمدر؛ بناء علیه؛ بالکنز ایکنجی، اوچنجی نوع
دقتلرک رسم اصلی به تزیلی تکلیف ایلم . بولی
شکری

بووک ملت مجلسی ریاست جلیله

ذخیره رسومنک تعدیلی حقدنه کی قانون لایحه سنک
متنی موازنه مالیه انجمنجه تئیت ایدلش اولوب هیئت
عمومیه به سوق ایدلش اولان مذکور لایحه نك دیکر لرینه
تقدیماً مذاکره و قبولی تکلیف ایدرز . ۲۱-۲-۳۳۸
بولی معونی بولی معونی بولی معونی
طونه لی حلی نوری یوسف عزت
لازستان طرزون طرزون
عثمان نوری جلال محمد
حانیک بولی بولی
شکری فواد عبدالله اسمد

دیاربکر	لازستان	بولی	طرزون
حاجی شکری	ضیاخورشید	شکری	حافظ محمد
بایزید	قسطمونی	اولقی	ارضروم
شوکت	دوقتور سعاد	اورخان یاسین	صالح
قسطمونی	ارزنجان	قیصری	جانیک
بسیم	حسین	عاطف	احمد نافذ
روسه	ازمیر	استانبول	ارطغرل
نجانی	انور	نعمان	احمد محمدی
ارزنجان	سینوب	سینوب	چوروم
احمد	عبدالله	شوکت	فرید
سینوب	قوزان	منتشا	ارزنجان

حقی حامی دوقتور فکرت دوقتور توفیق رشدی احمد فوزی

کوتاهیه	ایزیت	قره حصار شرقی	بولی
چیل	عبدالله	مدوح بخت جواد عباس	
سینوب	موش	ماردین	قره حصار سعرد
عمر لطفی عبدالغنی	مدحت	علی	صبری
بایزید	سینوب	کنج	موش
عاطف	محمد شریف	فکری	قاسم
		طرزون	آماسیه
		محمد شدری	رضا

ریاست جلیله

آغه و ملحقاتنک اعظام ایدلایکی درجه ده ذخاره
احتیاجی یوقدر . جوار و محارردن کوندر یله جک ذخاره
احتیاجانه کافیدر . مرستیک طینی تکلیف ایلم .

کنج	مرسین
جلال	صلاح الدن

رئیس - اقدم قانون مستعجلیته مذاکره سنی تکلیفی
ایله انجمندن بورایه سوق ایدلش . فقط ؛ رای حالیکتره
وضع ایدله مشدر . مستعجلیته مذاکره سنی رأه وضع
ایده حکم . مستعجلیته مذاکره سنی قبول ایدنر لطفاً الارینی
قالدیرسون ! (قبول ایدلشدر)

طونه لی حلی بک (بولی) - رئیس بک امساعده
بوپوررمیسکنز ؟ اول امرده بولی معونی شکری بک
تقریری دابه وضع ایدلک اقتضا ایدر . حسن فهمی بک کی
عمومیدر . حالبوکه : بولی معونی شکری بک بو عمومی

قسم می‌بندم خصوصی بر طایفه بولنیور . بناه علیه ؛
اول امرده ارکلی حوضه سنه عا . اولان شکاری بکک
تکلیفک رایه قونمسی تکلیف ایلم .

رئیس — مساعده بویورک ؛ اولان حسن فهمی بکک
تقریری رایه وضع ایدیورم . حسن فهمی بک کمرک
رستندن استثنای یالکیز مصر و مصر اولنرینه حصر
ایدیور . (قبول سسلری) بو تقریری قبول ایدنلر
لطفاً اللرینی قالدیرسون ! (قبول ایلمشدر)

علی شکاری بک (طربزون) — ناصل اولور اقدیم ؟
آچلقه اوینامایک ؛ رجا ایدرم . دونه ، دونه قانون مذاکره
ایدیلمی ؟

رئیس — تقریر نظر دقه آندی اقدیم ! اقدیم
مرسین مبعوثی صلاح الدین بکله کنج مبعوثی جلال بکک
بر تعدیلنامه سی واردر . قانوندن مرسین کله سنک طینی
تکلیف ایدیور . قانوندن مرسین کله سنک طینی قبول
ایدنلر لطفاً اللرینی قالدیرسون ! (قبول ایلمشدر)

شمسی اقدیم بر تقریر ده واردر . حسن فهمی بکک
تقریری نظر دقه آتمشدی . بولی مبعوثی شکاری بک
ارکلی حوضه سنه ادخال ایدیله جک ایکنجی و اوچنجی
نوع اولنردن آنان رسمک کمرک رسم اصلیه سنه تزیلی
تکلیف ایدیور .

طونلی حلمی بک (بولی) — ایکی کله مساعده
بویورک اقدیم . آرقد اشلر زونغولداق حوضه سی قارشیکزده
علماً ، فنا قرار ویرلمک اعتباریه بوتون وجدانکزه
التجا ایدیور . بوکون بو حوضه ده چالیشان ، ایشله یین
قرده — ارمن علی العاده بیلدی کمز چیقنجیلر وسائر .

کبی دکدر . بر آتنده چالیشان بو آدملر ، کونشدن ،
هوادن محروم چالیشیورلر آل یناق کیدن اولدیلقانلیلری
اوچ اش کون صکره اوچاقلردن عودت ایدرلر کن کورور مرکز که
تمامیه صولفون بکزلرله اصل اوچاقلرینه دونمکده درلر .

بر کره دقت بویوریکز ! استرحام ایدرم . کوینده بلکه
من القدیم اجدادیه برابر مصر اونیه کچینمکده اولان
اوغمه مطلق صورتده اوچاقلرده بغدادی ا کمکی پیرلر . چونکه
مصر اونینک قوه غداییه سی آز اولقله قالمایور . مصر
اونینک برده قابلیت هضمیه سی واردر که : غایت کوجدر .

بناه علیه ؛ عمله نیک ضعیف معده سی مصر اونینی بیکدن
عاجزدر . وجودی اوکا متحمل دکدر . بناه علیه ؛ عماله
قطعی صورتده بغدادی ا کمکی بیکه مجبوردر . آرقد اشلر ؛
استرحام ایدرم . شکاری بکک زونغولداق حوضه سی
استنا ایدن بو تقریرینه لطفاً هیکمز آل قالدیریکز !

رئیس — بو تقریرده برنجی نوع اولنر حقیقه تزیلات
تکلیف ایدیور . ایکنجی و اوچنجی نوع اولنرک رسم
اصلیه تزیلی تکلیف ایدیور تقریری تکرار او قو
تیورم اقدیم ! (بولی مبعوثی شکاری بکک تقریری تکرار
او قوندی)

رئیس — بو تقریری قبول ایدنلر لطفاً اللرینی قالدیرسون !
(قبول ایلمشدر) اقدیم (اولکی تقریر نه اولدی ؟
سسلری)

رئیس — مرسین کله سی طی ایلدی . حسن فهمی
بکک تقریری ده قبول ایلدی .

حاجی احمد اقدیمی (موش) — رئیس بک نصل اولور ؟
قبول اولندی می ؟ اولندی می ؟ اوچ ال قالدی .
علی شکاری بک (طربزون) — آکلا شلمدی اقدیم .
نصل اولور قبول اولور اقدیم ؟ آچلقه اوینامیم . رجا
ایدرم .

نیل اقدیمی (قره حصار صاحب) — اقتصاد انجمنک
بر لایحه قانونیه سی واردر . او مسئله نی حل ایدر . او قولسون
اقدیم !

رئیس — اقدیم نظر دقه آنان تقریر لره حسن فهمی
بکک تقریری انجمنه کوندریورز .

حقی حامی بک (سینوب) — اقدیم ! حسن فهمی
بکک تقریری نظر دقه آندی . فقط ؛ ماده اصلیه ایله
تکلیف آراسنده تباین واردر . طیبی انجمنجه تنظیمی
لازم کلیر . فقط ؛ چوق کچ قالیر . استرحام ایدرم . باس
یوقدر . بشن دقیقه وقت نایب ایده جکیز . فقط ؛ شونی
بوراده تنظیم ایدم . امین اولیکیز . انجمنه کیدر سه اون
کونده کلیه جکدر . مارتده بوتون انجمنلر دکیسه جکدر .

ریاست دیوان ریاست انتخابیه اشتغال اولنه جق . واوزمانه
قدر آچ اولنلر اوله جکدر . رجا ایدرم . نظر دقه آنان

بوتقیر لر موجبجه ماده بوراده تصحیح ایدلسون اقدام .
 حسن فهمی بك (كوشخانه) — نظر دفته آلان
 تقریر لر موجبجه ماده شمعی تصحیح ایدیله بیلیر . اقدام .
 رئیس — تصحیح یا بلسون اقدام .
 یوسف ضیا بك (بتامیس) — اقدام ! مقصدی ایفا
 ایدن اقتصاد انجمنك مضطه سی وارد . بنمده تکلیف
 ابتدیکم بر ماده قانونیه وار . او قوتدیرك! رجا ایدرم .
 رئیس — اقتصاد انجمنك مضطه سی موضوع مذاکره
 دکلدی . موازنه مالیه انجمنك کی موضوع مذاکره ایدی .
 حسن فهمی بك تقریری قبول ایدیلنجه او اساس دیکشدی .
 ماده نك شکل مصححی ایکنجی جلسده رأی عالیکزه
 عرض ایدرم اقدام .

حسن فهمی بك (كوشخانه) — بشقه اوراقه کچلسون
 اونی مالیه انجمندن ایکی آرقداش یابار اقدام .
 رئیس — فراغ وانتقال خرچلرینه دائر قانونك
 مدتی بوکون ویا یارین بیتور . اونك ایچون برایکی ماده لك
 بر قانون کیشدر . بونی مذاکره ایدلم .
 اسباب موجب مضطه سی

اموال غیر منقوله نك الیم صایم بدلری اوراق تقدیه
 تداولی اجارات ومحصولات ارضیه فیآنك یوکسکلکی کی
 اسبابدن ناشی بك زیاده ترقی ایدوب تحریر دفترلرنده مقید
 قیمت تحریریلری ایسه بالطبع بو ترقی تعقیماً تصحیح
 ایدمه مش اولدیغندن بیع وهبه وفروخت ومبادله وبدل
 مقابانده ویا هجاناً فراغ معاملاتنده آلمسی لازم کن
 خرچلرک اموال مذکوره نك قیمت حاضره لرلیه بدرجهیه
 قدر متناسب اولسی التزام قلمش واوکا بناء مسققات ویا
 املاک ویرکوسنه تابع اولان اموال غیر منقوله نك اوچیز
 اوتوز اوچ سنلری ظرفنده تعدیل کورمه مش وکورمش
 اولملرینه نظراً الیم صایم قیمتلی قیمت تحریریلریه
 اوچ وایکی بچق وایکی مثلنه و الیم صایم بدلاننده کوریلن
 ترقینک غیر مسققاتدن دهآ از اولسی نظر دفته آلنرق
 اراضینک یالکز اوچیز اوتوز اوچ سنه مالیه سی ظرفنده
 قیمت تحریریلری کورمه مش وکورمش اولملرینه کوره
 الیم صایم قیمت تحریریلرینک ایکی وبر بچق مثلنه بالغ
 اولمش عد وشو صورتله اموال غیر منقوله نك اسباب مختلفه دن

دولایی تواریخ مختلفه ده کورمش اولدیغی تعدیلاتک دخی
 آنلرک قیمت تحریریلرینی بدرجهیه قدر حال حاضر
 قیمتلرینه تقریب ایلش اولدیغی قبول ایدیلرک صور مبسوطه
 دائره سنددرجات اوزرینه ینه خرجه تابع طوئق و اوچیز
 یدی سنه مالیه سی شباطی نهایته قدر مرعی اولق اوزره
 ۲۳ تشرین اول ۳۳۵ تاریخی بر قطعه قرارنامه تنظیم
 قلمش ایسه ده مذکور بدلانک ترقی ایتمسه باعث اولان
 اسبابک هنوز زائل اولمامسنه یناه حکم قرارنامه نك مدت
 مینه سنک انقضاسندن اعتباراً بر سنه دهآ تمیدی مناسب
 کورمش و بوبانده تنظیم قانان قانون لایحه سی مربوطاً
 عرض وتقدیم قلمشدر .

فراغ وانتقال خرچلرینک تعدیلنی متضمن ۲۷ شباط
 ۳۲۹ تاریخی قانون موقه مذیل ۲۱ تشرین اول ۳۳۵
 تاریخی قرارنامه ده معین مدت انقضاسندن اعتباراً بر سنه
 دهآ تمیدی حقنده قانون

ماده ۱ — فراغ وانتقال خرچلرینک تعدیلنی متضمن
 ۲۷ شباط تاریخی قانون موقه مذیل وحکمی اوچیز
 اوتوز یدی سنه مالیه سی شباطی نهایته قدر مرعی ۲۱
 تشرین اول ۳۳۵ تاریخی قرارنامه نك مدتی اوچیز اوتوز
 سکر سنه مالیه سی شباطی نهایته قدر تمید قلمشدر .
 ماده ۲ — اشبو قانون اوچیز اوتوز سکر سنه
 مالیه سی مارتنک برنجی کونندن اعتباراً معتبردر .

ماده ۳ — اشبو قانونک اجراسنه مالیه وکیلی
 مأمورددر .
 ۲۵ کانون ثانی ۳۳۸

شرعیه وکیلی اجرا وکبلری هیئت ریسی
 فهمی وارکان حربیه عمومیه وکیلی

فوزی
 داخلیه وکیلی عدلیه وکیلی مدافعه ملیه وکیلی
 قشقی رفیق شوکت کاظم
 معارف وکیلی مالیه وکیلی خارجیه وکیلی
 محمد وهبی حسن حسنی یوسف کمال

صحیه ومعاونت اجتماعیه وکیلی اقتصاد وکیلی نافع وکیلی
 هنوز آقریه مواصلت سری فیضی
 ایتمه مشدر .

قوانین مالیہ انجمنی مضبطہ سی

فراغ و انتقال خرچلرینک تعدیلنی متضمن اولان قانون موقتہ مذیل ۲۱ تشرین اول ۱۳۳۵ تاریخلی قرارنامہ ده معین مدتک انقضاسندن اعتبار آرسنه دها تمدیدی حقتده هیئت وکیه دن تنظیم قلنان لایحه قانونیه واسباب موجبہ مضبطہ سی و دفتر خاقانی انجمنی مضبطہ سی قرائت و تدقیق اولنمشدر .

انجمنه زجه ده وارد کوریلان اسبابدن دولایی لایحه عیناً قبول ایدلمش و مدتک ختامنه پک آرزمان قالمش اولدیغندن مستعجلاً مذاکره سی رجاسیله هیئت عمومیه به عرض اولتور .

کاتب مضبطه محرری نامنه قوانین مالیہ انجمنی رئیس
موش آنظالی ارضروم
احمد حمدی علی وفا حسین عونی

اعضا اعضا اعضا

قره حصار شرق بیغا

مصطفی محمد

دفتر خاقانی انجمنی مضبطه سی

اجرا و کیلاری هیئت ریاست جایله سنک ۲۵-۱-۳۸ تاریخ و ۱۴۷ نومرولو تذکره سنه مربوط مالیہ و کالتک تکلیف قانونیسی واسباب موجبہ مضبطه سی انجمنه زجه تدقیق اولندی. فراغ و انتقال خرچلرینک تعدیلنی متضمن ۲۷ شباط ۳۲۹ تاریخلی قانون موقتہ مذیل قرارنامه حکمنک ۳۳۸ سنه مالیہ سی سباطی نهایته قدر تمدید قلنمشدر دیه اجرا و کیلاری جانبندن تکلیف اولنان قانونک برنجی ماده سنده تمدیداً تجدیداً اولمش اولان مدتک معین بولونماسنه و چونکه اولبایده کی قرارنامه حکمنک ذاتاً شباط ۳۳۷ نایه سنه دکین مرعی و معتبر اولدینی دلالتیله آکلاشله سنه نظر آ آرتق اشبو قانونک اوچوز اوتوز سکز سنه سی مارتنک ابتداسندن معتبردر جمله سنی احتوا ایدن ایکنجی ماده یه لزوم قالمش دیمک اولاجغندن اوچنجی ماده نک ایکنجی ماده اوله رق قبولیله تمدید مدت کیفیتک بحسب المصلحه مصیب کورلدیکی برنجی ماده نک نهایتسه کی قلنمشدر کله سنک [اولونمشدر] عباره سنه تحویلی موافق

بولندیجی جهته قوانین مالیہ انجمنه تودیع قلندی .
کاتب مضبطه محرری دفتر خاقانی انجمنی رئیس
عمر لطفی محمد شوکت

اعضا ایزمیت اعضا

عبدالله احمد حمدی

دفر خاقانی انجمنک تکلیفی

ماده ۱ — فراغ و انتقال خرچلرینک تعدیلنی

متضمن ۲۷ شباط ۳۲۹ تاریخلی قانون موقتہ مذیل و حکمی ۳۳۷ سنه مالیہ سی سباطی نهایته قدر مرعی ۲۱ تشرین اول ۳۳۵ تاریخلی قرارنامه نک مدتی ۳۳۸ سنه مالیہ سی شباط نهایته قدر تمدید اولنمشدر .

ماده ۲ — اشبو قانونک اجراسنه مالیہ و کیلی مأموردر .
(ایضاحات ویرسونلر سلسلی)

مالیه و کیلی حسن بک — افندم! مسئله واضعدر .
بندہ کز ایضاحاته لزوم کورمیورم. احوال حربیه ایجابندن ۳۳۷ سنه سی نهایته قدر فراغ و انتقال معاملاتنی بجاناً یوروتہ ییلمک حقتده کی قانونک مدتی ۳۳۷ سنه بیتور. رجا ایدیوروز . بونک احکامنی ۳۳۸ سنه سی نهایته قدر تمدید بویوروک ایسته دیکمز بودر افندم! بونده اعتراض ایدہ جنک برشی ده یوقدر . اهالی یه تسهیلات اولق اوزره ویرلمش برمافیتدر . بونی آلتیشلرله قبول ایتمه مز لازمدر .

حسن فهمی بک (کوشخانه) — افندم! بوقانون خلقتک نفعنه برمساعده و ممافیتدر . بونی آلتیشلرله قبول ایتمه مز لازمدر. فراغ دکل یا لکز انتقال خرچلرینه عاند برمعافیتی تضمن ایدر. بونی کمال ممنونیتله قبول ایتمه مز لازمدر. لطفاً بونک مستعجلیتی ده قبول ایدہ لم. چونکه: سنه ختام بولیور . بومعافیت تمادی ایدہ دورسون . اولا مستعجلیتی رایه قوییکمز! رئیس بک !

رئیس — افندم! مذاکره بی کافی کورنلر آلرینی قالدیرسونلر! [مذاکره کافی کورلدی.] [مستعجلیتی قبول ایدنلر آلرینی قالدیرسون ! (قبول ایدلدی) افندم ماده بی عیناً قبول ایدنلر آلرینی قالدیرسونلر!] ماده عیناً قبول ایدلمشدر [

ماده ۲ — تکرار او قوندی .
رئیس — ایکنجی ماده بی قبول ایدنلر آلرینی قالدیرسونلر! [قبول ایدلمشدر]

قانونك هيئت عموميه سنی قبول ايدنلا لرلی قالدیرسونلر!
[هيئت عمومیه می ده قبول ایدلمشدر اقدم].

حق حامی بك (سینوب) -- اقدم! قوچکیری
حادثه سندن ، دولایسیسه متأثر و حقیقه محتاج معاونت
اولانلر حقنده ، مجلس عالی کزک کوندرمش اولدیغی هیئت ،
عمر اینه دن مجلس عالی کزه معروضاتده بولمشدر . موازنه
مالیه انجمنی ده بومعروضاتی موافق بولمش و هیئت جلیله کزه
کوندرمشدر . و بوتکلیف ، اعاشه یه و ماکتده زرعیات
اجرا سنه شدتله تعلق اولان برسنله در . بر ماده دن عبارتدر .
همان دیگر ماده ترجیحاً مذا کره سنی استرحام ایدرم .
ذاتاً روزنامه در . ترجیحاً مذا کره ایدلسین وشو حاله
بر معاونت طرزنده نهایت ویرلسون !

رئیس -- اقدم ! بو قانون اساسا روزنامه مزده در .
تسیب ایدرسه کز مذا کره ایدم . (های های ، سسلری)
موازنه مالیه انجمنی مضبوطه سی

قوچکیری حادثه سی یوزندن ایوم سفالترده اولان
خلقک معاونتته شتاب اولنمی حقنده کی مراجعت واقعه
لدی المذا کره اساساً کیفیت تصویب ایدلمش ایسه ده سنه
حالیه بودجه سنده معاونت اجتماعیه فصلنده تخصیصات موجود
اولدیغندن و ایوم توزین ایدیلمه مه یین خصوصات مالیه مزده کی
مضایقه ده آزاده بیان اولدیغندن هیئت تحقیقه اشمارینک
فقراً اخیر دسی موجبجه اردونک اعاشه وضعیتته خلل کلیه جک
ایسه منطقه مذ کوره تکالیف ملیه آبار لر نده موجود تی
بیله یر بلن ایکی میلیون کسور کله ذخائر دن ربع مقدار نی تجاوز
ایتمه جک صورتده موضوع بحث محتاجینه تخملق واعاشه یه
مدار اولق اوزره ، خانه باشه یوزیکر میشر قیه ذخیره نک
سرعت توزیمی موافق اوله جنی جیته بونک بالغ اوله جنی
تخمین ایدیلن قرق بیک لیرا امانتک مالیه بودجه سنک
(۹۹)نجی (قوچکیری حادثه سنده دوچار سفالت اولانلره
ویریه جک تخملق ویمکملک بدلی) فصلنه وضعی قرار کیر اولغله
کیفیت هیئت عمومیه یه عرض اولنور اقدم .

اعضا	کاتب	مضبوطه محرری	رئیس
نیکده	ارطغرل	منتشا	صاروخان
حق	مصطفی کمال	دو قنور توفیق رشدی	رشاد
اعضا	اعضا	اعضا	اعضا
یوزغاد	موش	آنتالیه	قونیه
سلیمان سری	احمد حمدی	علی وفا	کاظم حسنی

قوچکیری حادثه سنده دوچار سفالت اولانلره
ویریه جک تخملق ویمکملک حقنده قانون :

ماده ۱ -- قوچکیری حادثه سنده دوچار سفالت
اولانلره جهت عسکر یه بیه عائد ذخائر دن ویریه جک تخملق
ویمکملک بدلی اولق اوزره مالیه بودجه سنده یکیدن
آچیله جق (۹۹) فصلنه قرق بیک لیرا تخصیصات اعطا اولنمشدر .
ماده ۲ -- اشبو تخصیصاتک ۳۳۳۷ سنه مالیه می نهایته
قدر صرف ایدیله مه یین قسمی دوراً ۳۳۳۸ سنه سی طرزنده ده
صرف ایدیله جکدر .

ماده ۳ -- اشبو قانون تاریخ نشرندن معتبردر .
ماده ۴ -- اشبو قانونک اجرا سنه مالیه ومدافعه
ملیه وکیللری مأموردر .

نیل افندی (قره حصار) -- ضیا خورشیدک ،
مضبوطه او قودیفکز کیلومی در ؟ کله میدر ؟
کاتب (ضیا خورشیدک) -- کله در .
رئیس -- مقصد پاره در . کله دکلددر : بناء علیه
کیلو ، کله آر سنده فرق یوقدر .
تخمین بک (آیدین) -- مستعجلیته مذا کره سنی
تکلیف ایدرم .

رئیس -- اقدم ! برنجی ماده او قونور .
ماده ۱ -- قوچکیری حادثه سنده دوچار سفالت اولانلره
جهت عسکر یه بیه عائد ذخائر دن ویریه جک تخملق ویمکملک بدلی
اولق اوزره مالیه بودجه سنده یکیدن آچیله جق (۹۹) فصلنه قرق
بیک لیرا تخصیصات اعطا اولنمشدر . (نه قدر سسلری)
رئیس -- قرق بیک لیرا ۰۰۰۰ .

مالیه وکیلی حسن بک (طرزون) -- اقدم اسبابی
هر نه اولور سه اولسون ، اوراده اجر ایدیلن حرکات عسکر
یه دن متأثر اوله رق دوچار سفالت اولان خلقه معاونت
مقصد یله ؟ هیئت جلیله کزک تصویب بیوره جنی تخصیصات
مالیه وکیلکزک اعتراضی یوقدر . دیگر لری میاننده
بو تخصیصاتک ده چیقارلمسی احتمالی وارددر . یالکز بو
معاونتک صور اجرا یه سنی مبین برنظامنامه یا بق مجبوری
موجوددر . صور اجرا یه سنی مبین بر ماده نک بورایه
لطفاً علاوه سی لازمدر .

یوحاذه دن متاثر اولان کیمدر و کیم دکلدر؟ بونی فعلیایده
سجه بيلمک ایچون بر ماده علاوه ایدیکنز .

حقی حامی بك (سینوب) — بوندن برایکی دقیقه
اولده هیئت جلیله کوزه عرض ایشمدن . بوزوالیلرک ،
محتاج اوله رق مجلس عالیکنزه عرض ایدیلنلرک حد ذاتنده
هرشیلری ، ذخیره لری ، قوشوم حیوانانی واردی .
فقط؛ مع التأسف حرکات اناسنده ذخیره لری ده آلمش،
حیوانلری ده یغما ایدلمشدر . (کیم آلمشدر صدالری)
(هانی راپور صدالری) رجا ایدرم ! شمندی مسئلهیه
راپوری قاریشدر مایکنز . کوندردیککنز هیئت، مامیت
مسئله ایله صفحاتی و تأدیبات اناسنده پاییلن بوتون حرکات
حقنده هر حالده هیئت جلیله کزی تنویر ایده جکدر .
هیئتک شمندی به قدر هیئت جلیله کزه بر راپور ویرمه مسی،
عنوز کلمش اولان آرقداشلرک مواصلته انتظار دن
متولددر . بومسئله بشقه، اومسئله بشقه در . اونک ایچون
هر حالده مستعجلیت قرار یه بو ماده نک قبولنی و بو کونه
قدر شایان مرحمت بروضعیتده قالمش اولان بوزوالیلرک
احتیاج فوق العاده لرینه بوضورتله نهایت ویرلمسنی استرحام
ایدرم . بزم تقدیم ایده جکمز راپور ، بوزوالیلره ذخیره
ویره جک دکلدر . بزم راپور مجلس عالییه کلوب و بر
انجمنه کیدوبده تدقیق ایدلنجه به قدر برایکی آی کچر
واوروقته قدر بیکارجه آدم اوله جکدر .

شوکت بك (بایزید) — هیچ اولمازسه مسیبلری
تضمین ایدرلر !

حقی حامی بك (دوامله) — تضمین مسئله سی ده
دوشونیه جکدر . فقط ائدیله! بوتضمین مسئله سی ركون
ایکی کون ، اون کون ایچریسنده حل اولنه حق مسئله لردن
دکلدر . بو قانونک قبولیه محتاج معاونت اولانلرک
بو کوندن اعتباراً بوضورتله احتیاج لرینه نهایت ویرلمسنی
رجا ایدرز !

ماده ۳ — اشبو تخصیصاتک ۳۳۷ سنه مالیه سی
نهایتیه قدر صرف ایدیله مین قسمی دوراً ۳۳۸ سنه سی
ظرف قدده صرف ایدیله بیله جکدر .

مالیه وکیلی حسن بك — ۳۳۷ سنه سی نهایتیه قدر می افندم؟
رئیس — اوت

افندم ماده حقنده سوز ایسته یین وارمی؟ شوکت بك
سوز ایستور میسکنز ؟

شوکت بك (بایزید) — وازنچدم .
رئیس — سوز آلان یوق . اولا مستعجلاتی
رایکنزه وضع ایدیم .

حسن فهمی بك (کوشخانه) — مساعده بیوریلیری؟
رئیس بك! افندم معام عالیکنز، تخصیصات لایحه لری بردفمه
مذاکره ایدیلر و تعیین اسامی ایله رایه وضع اولتور .
اونک ایچون مستعجلیه لزوم یوقدر ظن ایدرم .

رئیس — قانونک هیئت عمومیه سنی قبول ایتدک .
ماده لره کچلمسنی تنسیب ایدنلر لرینی قالدیرسونلر !
(ماده لره کچلمشدر)

ماده ۱ — تکرار او قوندی .
رئیس — برنجی ماده یی قبول ایدنلر لرینی قالدیرسونلر !
(قبول ایدلمشدر)

ماده ۲ — تکرار او قوندی .
رئیس — ایکنجی ماده یی قبول ایدنلر لرینی
قالدیرسونلر ! (قبول ایدلمشدر)

رئیس — افندم شمندی بر تکلیف آلم . سلیمان
سری بك بر ماده قانونیه تکلیف ایدیور . (اشبورق
بیك لیرا ایله تدارک ایدیله جک ذخائرک صورت توزیع
واعطاسنی مین هیئت وکیلجه بر نظامنامه قلمه آله حقدر.)

علی سروری افندی (قره حصار شرقی) — بر کره
نظامنامه تعیری موافق دکلدر . چونکه پرنسیپنجه ،
یعنی بزم شکل اداره مزه کوره هیئت وکیلجه نظامنامه دکل،
آنحق بر تعلیاتنامه یا په بیلیر . اونک ایچون نظامنامه ریینه
تعلیاتنامه دیملی . « هیئت وکیلجه » دینیور . اونک
ریینه ده اجرا وکیللری هیئت دیملک لازمدر . (موافق
سسلری)

سلیمان سری بك (یوزغاد) — موافقت ایدرم .
رئیس — افندم بو تصحیحاته تکلیف صاحبی ده
موافقت ایدیورلر . تکلیف ایدیلن ماده قانونیه ده کی
نظامنامه ریینه تعلیاتنامه و هیئت وکیلجه ریینه اجرا وکیللری
هیئت طرزنده تصحیح یا بیله جقدر .

مالیه وکیلی حسن بك — بنده کز اساس مسئله یه
کیریشوب مذاکره ایتمک ایسته یورم . فقط؛ نظامنامه لری

ماده بی بو شکلیه قبول ایدنلر اللرینی قالدیرسونلر!
(قبول ایدلشدر) .

قانونک هیئت عمومیه سنی تعیین اسامی ایله رأیکزه
وضع ایدیورم . رأیلر یکیزی استعمال بویورک .

رئیس — افندم ! ذخیره قانونک برنجی ماده سی
تعديلات وجهله تصحیح ایدلدی . او اوقونه جق ، دیکله یکنز :
معدل ماده ۱ — ایزمیت وزونغولداق لیمانلرینه ادخال

اولنه جق ایکنجهی واوچنجی نوع بغدادی اولنرندن آلمقده
اولان کمرک رسمى ۲۸ تموز ۳۳۶ تاریخلی قانون موجبجه
استیفاسی ایجاب ایدن مقداره تنزیل ایدلشدر .

معدل ماده ۲ — قره دکز لیمانلرینه ادخال اولنه جق
مصر ومصر اولنرندن آلمقده اولان کمرک رسمی تعرفه
دده کی رسم اصلی به تنزیل ایدلشدر .

ماده ۳ — اشبو قانون تاریخ نشرندن اعتباراً
حزیران ۳۳۸ غایه سنه قدر مرعیدر .

ماده ۴ — اشبو قانونک اجراسنه مالیه وکیلی مأموردر .
رئیس — افندم ! برنجی ماده بی قبول ایدنلر اللرینی
قالدیرسونلر ! (قبول ایدلشدر)

(ماده ۲ تکرار اوقوندی .)

نیل افندی (قره حصار) — رسم اصلیدن مقصد
بر رسم میدر ، یوقسه بش مثل میدر ؟
رئیس — بر رسمدر ...

افندم ! ۲ نجی ماده بی قبول ایدنلر اللرینی قالدیرسونلر!
(قبول ایدلشدر) .

(ماده ۳ تکرار اوقوندی .)

رئیس — سوز ایستین یوق . ماده بی قبول ایدنلر
اللرینی قالدیرسونلر ! (ماده قبول ایدلشدر)

(ماده ۴ تکرار اوقوندی .)

رئیس — ۴ نجی ماده بی قبول ایدنلر اللرینی
قالدیرسونلر ! (قبول ایدلشدر) . افندم ! بو قانونک هیئت
عمومیه سنی ده تعیین اسامی ایله رأی عالیکنزه وضع ایدیورم .
رأیلر کیزی استعمال بویورک .

نصرت افندی (ارضروم) — ایراندن بازیده سربست
اون ادخالنی مجلس قبول ایتشدی . شمدی ناصل اولیورده

هیئت جلیله کز می یاه جق ؟ یوقسه قبول بویوردیکنز
قانونلرک ضرور تطبیقیه سنی ایفایه مأمور بویوردیکنز اجرا
وکیللری هیئت کز می یاه جق ؟ بو آیری بر مسئله ؛
و حقوق اساسیه مناقشه سیدر . مسئله بی بو شکله قویمامق
ایچون بر تعلیماتنامه پاک ، نظامنامه اولماسون ، نظامنامه
تنظیمی صلاحیتی کیمده در ؟ بو مسئله بی شمدی آچماهلم .
رئیس — افندم ! سلیمان سری بکک تکلیفی شویله
اولیور :

ماده ۳ — اشبو قرق بیک لیرا ایله تدارک ایدیلجهک
ذخائرک صورت توزیع واعطاسنی مبین اجرا وکیللری
هیئتجه بر تعلیماتنامه تنظیم اولنه جقدر .

رئیس — افندم ! شکل مصحح وجهله بو ماده
قانونیه بی قبول ایدنلر لطفاً اللرینی قالدیرسونلر ! (قبول
ایدلشدر) . افندم ! بو ۳ نجی ماده اولیور . اسکی ۳ نجی
ماده ۴ نجی دردنجی ماده ده ۵ نجی اولیور .

ماده ۴ — اشبو قانون تاریخ نشرندن معتبردر .
رئیس — ماده بی قبول ایدنلر اللرینی قالدیرسونلر !
(قبول ایدلشدر) .

ماده ۵ — اشبو قانونک اجراسنه مالیه ومدافعه
ملیه وکیللری مأموردر .

رئیس — ماده بی قبول ایدنلر ...
شکری بک (بولی) — هیئت وکیله مأموردردیملی .
رئیس — افندم ! مدافعه ملیه وکیلی ایله مالیه وکیلی
مأموردردیورلر .

شکری بک (بولی) — تعلیماتنامه بی داخلیه وکالتی
تنظیم ایدر . اوده علاوه ایدلسون .

سلیمان سری بک (یوزغاد) — مدافعه ملیه وکیلنه
نه تعلقی وار ؟ بونی مالیه وکیلی یاپار ، پاره ایشیدر .
رئیس — افندم ! تحقیقات اعتباریله مالیه وکیلی ،
ذخائر عسکری ذخائر اولدینی ایچون مدافعه ملیه وکیلی
مأموردردینلیور . (داخلیه ده سسلری)

افندم ! ماده بی داخلیه وکیلنکده علاوه سنی تکلیف
ایدیورلر . قبول ایدنلر اللرینی قالدیرسونلر ! (قبول
ایدلشدر) . او حالده ماده شویله اولیور :

ماده ۵ — اشبو قانونک اجراسنه مالیه ، داخلیه
ومدافعه ملیه وکیللری مأموردر .

قبول ایدله یور ؟ بر کره قبول ایکنجی دفعه رد اولماز .
 اولیسی کون مجلس قبول ایتمشدی . شمسی ده رد ایدیور .
 رئیس - افندم ! بوقانون زونغولداق و قره دکزه
 عأنددر . اونک ایچون ده بر تکلیف یاپارسکز . .
 علی شگری بك (طرزون) - اولجه قبول اولنان
 قانونی دفعه ناینه ده باشقه برشکله قویدیکزه ، بوناصل اولور ؟
 زده بونک حقنده لازم کنن تشبثاتی یاپه جعز .
 رئیس - افندم ! آرا تصنیف ایدیلنجیه قدر تنفس .
 ۲۰۱۵ صوکرده . برنجی جلسیه نهایت ویرلدی .

یوز آلتش بشنجی اجتماع - ایکنجی جلسه

رئیس - برنجی رئیس و کیلی موسی کاظم افندی حضر تلی
 کاتب - ضیا خورشید بك (لازستان)
 ۲۵ شباط ۱۳۲۸ - جمعه ایرتسی - ساعت ۲،۴۰ - صوکره

رئیس - افندم جلسیه یی کشاد ایدیورم .

قوجکیری ایچون تکلیف ایدیلن ۴۰ بیک لیرالق
 آوانس قانونسک نتیجه آراسنده ۱۲۵ ذات رایه اشتراك
 ایتش ۱ مستکف ۱۸ رد ، ۱۰۶ قبول . فقط نصاب
 مذا کره یوق ، معامله ناتمام . ذخیره ادخالات قانونسک
 نتیجه آراسنده ۲۲ ذات رایه اشتراك ایتش ، ۵ رد
 ۱ مستکف ۱۱۶ قبول . معامله ناتمام . بناء علیه ؛ اجتماع آتیده
 هر ایکسینی ده تکرار رایه وضع ایده جکز .

افندم ! ارقداش لر مزدن ۱۵ ذات طرفندن ویریلن بر تقریر له
 بر مسئله حقنده بر جلسه خفیه عقدی تکلیف ایدیلور بو تکلیفی
 رایکمزه وضع ایده حکم . سامعین صالونی تحایه ایتسونلر . .
 ۲،۴۵ ده ایکنجی عالی جلسیه نهایت ویرلدی .

اوچنجی جلسه خفیدر . .

یوز آلتش بشنجی اجتماع - دردنجی جلسه

رئیس : برنجی رئیس و کیلی موسی کاظم افندی حضر تلی
 کاتب : فیاض عالی بك (بوزغاد)

۲۵ شباط ۱۳۲۸ - جمعه ایرتسی - ساعت ۵ صوکره

رئیس - افندم ! جلسیه یی کشاد ایدیورم . آوانس
 قانونسک بشنجی ماده سنه کیشدک .

ماده ۵ - ۳۳۵ سنه مالیه سی ختامنه قدر گذران

اولان منته عأند رسوم و تکالیفدن و کرک عقودن متولد
 اوله رق خزینه نك اشخاص عادیه و حکمیه ذمتنده تحقق
 ایتش اولان بالعموم تکالیف حربیه و وسائط نقلیه بریه
 و بحریه بدلاتی واعاشه مطلوباتی دخی داخل اولدیغی حالده
 ۱۳۳۷ سنه مالیه سی غایه سنه قدر مراجعت ایدن عین
 اشخاص و افرادک شخصلریله اقر بالینه عأند اولوب دیون
 غیر منتظمه یه داخل بولونیمان کافه دیون خزینه ایله
 تقاص و محسوب اولنه جقدر . عین قریه اهالیسنندن
 اولانلرک قرابتلرینه باقیلمه مزین علی الاطلاق فقط بالرضا
 عین قریه اهالیسنندن اولانلرک خزینه یه اولان دیونسک
 محسوبی جاژدر .

شگری بك (بولی) - افندم ! املاک و تمتع
 ویرکولریله اغنام رسناک مستعجلاً تحصیلی قانونی مذا کره
 ایدیلیر کن و قوعبولان تکلیف اوزرینه (ایشتمه یورز صدالری)
 افندم ! اغنام ، املاک و تمتع ویرکولری نك مستعجلاً تحصیلی
 قانونی مذا کره ایدیلیر کن و قوعبولان بر تکلیف اوزرینه
 علمینه اعتراض ایدیلوبده هنوز قانوناً اکتساب قطعیت
 ایتمین و بوسبیله حالاً خزینه نك مطلوبات متحققه سنندن
 معدود بولونیمان حرب قازانچلری ویرکوسنسک دخی
 متحقق عدیله مستعجلاً تحصیلی . (اوچکدی صدالری)
 مساعده بو یورک افندم . بن سوزیمی بیره بده سزده
 سویلرسکز . متحقق عدیله مستعجلاً تحصیلی حقنده
 قبول بو یوریلان ماده قانونیه یه علاقه دار اولمق اعتباریله
 اشبو بشنجی ماده نك تعدیلی لزومی هیئت جلیله لرینک
 نظر اطلاعنه عرض ایتک ایسته یورم . ۳۳۵ سنه مالیه سی
 ختامنه قدر خزینه نك رسوم و تکالیفدن اولان مطلوبسک
 ۳۳۷ سنه سی ختامنه قدر .

عدنان بك (استانبول) - ۳۳۸ اوله حق یا کیشدر .
 شگری بك - نه ایسه افندم . ختامنه قدر اشخاصک
 بالعموم مطلوباتی تکالیف حربیه ، وسائط نقلیه ایله محسوبی
 اجرا قلنه جنی کوسترلشدر . حالبوکه ۳۳۵ سنه مالیه سی غایه سنه
 قدر خزینه نك اهالیدن مطلوبی همان همان هیچ یوق کییدر .
 حرب قازانچلری ویرکوسنسک مهم بر قسمی ۳۳۶ سنه سینه نك ثبت
 دفتر ایدلمش و خزینه مطلوباتی اعتراضاتنک عدم تدقیقه و تدقیقناک

تأجيله، رغماً بوسنه متحقق عداولو نمش اولسنه كوره بووير كونك
 ۳۳۶ سنه سنده محقق ايتديكي ايچون اشخاصك خزينه دن
 اولان مطلوباتيله محسوبي قبول ايمه مك هيچ برصورتله
 عدالته موافق اولاميه جقدر . از جمله ؛ بر شخصه حرب
 قازانجی وير كوسنك طرحی استلزام ایدن اسباب مثلاً :
 حكومت حسابنه اجرا ايتديكي تقليان دن واعاشه مطلوباتندن ،
 تكاليف حربيه دن ، منبعث قازانج ، حرب قازانجی دينلن
 بووير كونك طرحی مستلزم اولان باره وقازانجه اليوم
 خزينه ده مطلوب بولتورسه ، هنوز متههد و عاقدك اله بيله
 كچميه ن قازانج دن متولد وير كونك ۳۳۶ سنه سنده محقق
 ايتش اولسي و بيله سيله ، معامله محسوبيه مانع اولاميه جقنى
 قبول ايمك دوعرو بر معامله اولاماز . بناء عليه ؛ هنوز
 مجلسه يكي مذاكره ايديلان ۳۷ سنه سنك ختامه
 ايكي كون قالمقله امكان تطبيق اوليان بشنجه ماده ده كي
 محسوبات ۳۳۵ سنه سي نهايته قدر خزينه نك بالعموم
 رسوم و تكاليفه و كرك عقود دن ۳۳۶ سنه سي نهايته قدر
 حرب قازانجی وير كوسنك طرحی مستلزم اولان عقود
 و معاملات دن متولد خزينه نك اشخاص عادي و حكيمه ذمته ده
 اولان مطلوبيله و بونك محسوبي اجرا اولونمق لازمكدير .
 يوقسه بونده عدالت بولنه ماز . چونكه : حرب قازانجی
 قانوننك ۶۹نجی ماده سي بوجهتي يك آچيق و واضح بر
 صورتده كوستر مكد و مذاكره ايتديكمز قانونك ۶۹نجی
 ماده سي ده اشبو ۶۹نجی ماده يه استناداً و صراحة حرب
 قازانجی وير كوسنك ديون اهالی ايله بلا قيد و شرط
 محسوبي اجرا اولانه جقنى دخى اشبو محسوباتك مقداری
 مدافعه مليه نك سنه مذ كوره . بودجه سنه بر قلم اوله رق علاوه
 ايديه جكنى تعيين ايا ، مكد اولسنه كوره مذ كور بشنجه
 ماده نك آكا كوره تسديلي لزومي آكله شلمقه ده در . بناء عليه ؛
 بوكا دائر برده قهرير و ريبورم . سوزم بوندن عبارتدر .
 حسن فهمي بك (كوشخانه) — افندم ! بنده كزده
 ۳۳۷ سنه سنك ۳۳۸ اولسنى تكليف ايديه جكم . مالیه
 وكيلى بك تصحيح ايتديلىر . اونك ايچون سوزم دن
 صرف نظر ايديبورم . ذاتاً لايحه تصحيح ايدلمش
 اولديغندن آرتق باشقه سوزم يوقدر .

تحسين بك (آيدن) — افندم ! مالیه وكيلى بك
 ۳۳۴-۳۳۵ سنه لرنده وقوع بولان بر حرب تمتع دن دولاي
 ۳۳۶ سنه سنده حرب قازانجی وير كوسنى قبول ايتديكي
 جهته ۳۳۴ سنه سنده اعاشه ايچون ياخوده ، سوقيات عسكريه
 ايچون آتمش اولان بر ذخيره نك بدلى تسويه ايدلمش
 اولميه بونده اوسنیه عائد حرب قازانجی وير كوسى ۳۳۶
 سنه سنده باييلمش اولديغندن دولاي ۳۳۶ سنه سنده محقق
 ايتمشدر دينه رك اكر او آدمك خزينه ده اولان مطلوب بوندن
 حرب قازانجی وير كوسى تسويه ايدلمزه ظن ايدرم ، ابي
 بر معامله اولماز . ماده نك بويوله تعديلى تكليف ايدرم .
 حاجى مصطفى افندى (آقره) — بر سؤال وار ،
 مالیه وكيلى بكدن سؤال ايديه جكم : ۳۳۵ سنه سنه قدر
 حكومتك مطلوباتى ۳۳۸ سنه سنه قدر اولان اهالينك
 مطلوبيله تقصاص ايديله جكدر . وشو حرب قازانجی
 وير كوسنك تحققي نصل اعتبار ايديبورسكز ؟ اونى
 آكلايه لم . تحققي ۳۴ مى ، ۳۵ مى ، ۳۶ مى ؟ ..
 تحققي اوتيه كي حرب قازانجی قرارنامه سيمي ، ياخود
 حرب قازانجی وير كوسى قانونه كوره ميدر ؟ اونك
 نشريله ايسه ۳۵ دن اول تحققي ايتش ديمكدر . يوق ، بزم
 بوراده چيقارديغمز بر ماده موجبنجه ايسه ۳۵ دن صكره در .
 يعنى بورايى تعيين ايمه كزى ايسترم .
 مالیه وكيلى حسن بك — حرب قازانجی وير كو-نده
 موضوعى يعنى مكلفيته تابع طوتديغمز قازانج معلوم عاليكز
 اولديغى اوزره ۲۲ ، ۳۳ ، ۳۴ حرب سنه لرنده حربك
 ايجاباتى نتيجه سي اوله رق معاملات تجار يه ده ، اخذ و اعطاده
 وجوده كان بر طاقم فاحش كارلر اوزرينه موضوع در . فقط
 حرب قازانجی وير كوسنى تأسيس ايدن قانون كچن سنه
 باييلمشدر .
 حاجى مصطفى افندى (آقره) — يالكرز تحصيلي ..
 مالیه وكيلى حسن بك — خير افندم ! مساعده
 بويورك ! قازانجك ماضيده بولونمى يعنى هانكي سنه
 قازاندى ايسه وير كوسنك او سنه وارداتنه ادخال ايدلمسنى
 استلزام ايتمز . قانون اوچ سنه لك حرب معاملات دن
 حاصل اولان قازانجى خصوصى واستثنائى و فوق العاده
 بر بودجه يه تابع طوتمق ايستمش و بوقانون ۳۳۶ ده

پایلمشدر. مکلفیت، ویرکوسی هانکی سنه ده محقق ایتش ایسه اوسنه نك بودجه سنه مالدر . ۳۴ سنه سنك حرب فلز انجی ۳۵ سنه سنه ، ۳۴ سنه سنه مال ایتك امکانی یوقدر .

حاجی مصطفی افندی (آنقره) — جانم او یله ادعا ایچیورم . مقصدم افندم ! سزك اوتوز بش سنه سی غایه سنه قدر نه قدر مطلوبکنز وار ایسه اونی شی ایده جکس کنز . شو حرب قازانجلی ویرکوسی استانبولده یاپیلان قانونی ؟

مالیه وکیلی حسن بك (طربزون) — خایر . بوراده یاپیلان قانون .

حاجی مصطفی افندی (آنقره) — بوراده او قانونك تحصیلنه دأر بر ماده چیقارلمشدر . او ماده میدر ؟ یوقسه مجلس اداره لرده تحقق ایتدیر دکری زمانمی ؟ هانکی زمانی اعتبار ایدیورسکنز . بونی صوریورم .

مالیه وکیلی حسن بك — افندم حرب قازانجلی ویرکوسی قانونی بویوك ملت مجلسنجه کچن سنه یاپلمش بر قانوندر .

مصطفی کمال بك (ارطغرل) — وکیل بك ! یا کاش تلقی بیوریلیور . او حرب قازانجلی ویرکوسی استانبول حکومتنجه تنظیم ایلمشدر . او چیوز اوتوز آلتی سنه سنه جهه ضم قانونی بوراده مذاکره اولنورکن سلف عالیکنز فریدبک اکر سزبو حرب ویرکوسی قازانجلی قانونتی قبول ایدرسه کنز بنده شوشیتی قبول ایدرم دیدی . اونك اوزرینه بر ماده ایله او قانونك مرعیتته قرار ویرلدی . یعنی استانبولده یاپیلان حرب قزانجلی قانونتی بوراده بر ماده ایله مرعی قیلدق . مالیه وکیلی حسن بك — اولایچه بی کچن سنه بوراده بر ماده ایله موقع تطبیقه قویدکنز . یعنی قانون قانونتی کچن سنه بویوك ملت مجلسنك نشر بیوردیغی بر ماده دن آلمشدر . اولجه بونك وجود قانونیسی یوقدی ، بر پرورده حالده ایدی . کچن سنه معلوم اولان مسئله اوزرینه مذاکره جریان ایتدی ووقده حرب قازانجلی نك تحصیلنه متعلق اولان ماده بی قبول بیوردیکن . باشقه برشی یاپمایدکنز . وضعیت حقوقیسی قطعاً دیکشمنش دکادر بنا علیہ ؛

حرب قازانجلی ۳۳۵ سنه سنه قدر اولان شیئی شامل دکلدر .

بصری بك (قره سی) — ۳۳۶ دن اعتبار آد کلی ؟ مالیه وکیلی حسن بك — اوت افندم !

رئیس — ماده حقننه باشقه سوز آلان یوقدر . مذاکره بی کافی کوریور میسکنز ؛ هنوز بر تعدیلنامه ده آلامدم .

شکری بك (بولی) — کلیور افندم ؛ حسن فهمی بك (کوشخانه) — رئیس بك افندی !

۳۳۷ سنه سی یا کاشدر ۳۳۸ سنه سی دیه تصحیح بیورلدیمی ؟ رئیس — او صورتله تصحیح ایتدك . افندم بر تعدیلنامه واردر .

ریاست جلیله

ماده ۵ — ۳۳۶ سنه مالیه سی ختامنه قدر کذران

اولان بالعموم مطلوباتی تکالیف حربیه ووسائط نقلیه بریه و بحریه بدلاتی واعاشه مطلوباتی دخی داخل اولدیغی حالده ۳۳۸ سنه مالیه سی غایه سنه قدر مراجعت ایدن عین اشخاص و افرادك شخصلریله اقر بارینه الی آخره محسوبی جائدر . ۲۳ شباط بولی

شکری

رئیس — افندم ! تعدیلنامه بی رأی عالیکره وضع ایدیورم . قبول ایدنلر لطفاً اللرینی قالدیرسون ! قبول ایدلمدی . افندم ؛ عیناً ماده بی رأیکزه عرض ایدیورم . افندم ؛ بشنجه ماده بی عیناً قبول ایدنلر لطفاً اللرینی قالدیرسون ! قبول ایلمشدر .

ماده ۶ — کرک بالاده کی ماده موجبجه دیون خزینه ایله محسوبی لازم کلن کرکسه حرب قزانجلی قانوننك مواد مخصوصه سنه توفیقاً ویرکودن اولان بورجلرینه مقابل اجرای محسوبی اقتضایدن تکالیف حربیه ووسائط نقلیه بدلاتندن ۳۳۷ سنه مالیه سی نهایتنه قدر یاپیلان محسوبات مقداری مدافعه ملیه نك سنه مذکورده بودجه سنه بر قلم اوله رق ضم و علاوه اولنه جقدر . شکری بك (بولی) — رئیس بك افندی حضر تلی !

برشی عرض ایدیم . افندم . . (۳۷ ، ۳۸ اوله جق سسلری)

بونلردن مستنادره بونلرك ویركویه محسوبی جائز دكلدر .
 دیه بحرردر . ایشته ، افندم ! ماده غایت صریحدر . بو محسوباتك
 یا پلسی لازم کایر . سوزم بوندن عبارتدر . و بو مالییه بر قلم
 اوله رق مدافسه ملیه بودجه سنه ضم و علاوه اولنه جقدر .
 دیه قبول ایدلشدر . بنا علیه ؛ بالاده کی ماده موجبنجه
 دكل ؛ ۳۳۶ سنه سنه کسب قانونیت ایدن حرب
 قازانجلیری قانونی موجبنجه ویرر . (خایر سلسری)

شکری بك (بولی) — اوت افندم ! سز کایر جواب
 ویرر سگز . لازم دكلسه لازم دكل دیرلر ، ۳۳۶ سنه سنه
 کسب قانونیت ایتدیکنی اعتراف ایتدیکنز .

حاجی مصطفی افندی (آقره) — شمندی افندم !
 مسئله معلوم یا ۳۳۵ غایه سنه قدر حکومتك نه قدر مطلوباتی
 واریسه یوقاریده کی قانون ...

مالیه وکیلی حسن بك — او عمو میدر ، بو خصوصیدر .
 حاجی مصطفی افندی (آقره) — ۳۳۷ یا خود
 ۳۳۸ . قدر اهالینك حکومتده کی مطلوباتیله تقاص
 محسوبی اجرا ایده جك دییور . بزاونی وکیل بكدن
 سؤال ایتدك ؟ حرب قازانجلیری ویركوسی حکومت
 مطلوبی نه وقت اولدی

مالیه وکیلی حسن بك — ۳۵ دن صکره
 حاجی مصطفی افندی (آقره) — بك ، اعلا ، ۳۵ دن
 صکره . اویله اولونجه اونك تقاص محسوبی اجرا
 اولماز . شوقانون موجبنجه ؛ اما اولر متضرر اولیور .

منتفع اولیور ، اوبحث آخر . اوراده مملکت ایچون
 مضرت اولدیغی ده یقیناً بیلیورم . یعنی اویله ویركولر
 ویره جكلرک بوتدقیق اولونمادن تحصیل اولنه جق اولورسه
 یعنی سلطان محمود زماندن دها اولده کی مصادره اصولی ،
 بلکه بوندن دها اهون اولور . اوقدر متأذی اوله جق
 شیر وار . شمندی کلدك بریکی جهتله ؛ کرك آلتنجی
 ماده موجبنجه وکرك بالاده کی ماده دیون خزینه ایله
 محسوبی لازمکلان ، کركسه حرب قازانجلیری قانوننك مواد
 مخصوصه سنه توفیقاً ویركودن اولان بورجلرینه مقابل
 بك اعلاونی بورج اوله رق تحقق ایتدی دیه دیدمیکز که .
 بوراده بونی نیچون یازدیکنز ؛ بورایی اکلله مدم .

توفیق رشدی بك (منتشا) — ۳۳۷-۳۳۸ اوله رق
 تصحیح اولنیور . حالبوکه : بو ۱۳۳۷ نك لایحه سیدر .
 ۱۳۳۸ سنه سننك کی اروججه کله جکدر بعض ماده لری
 اوسنه ایچوندر . اونك ایچون استرحام ایدرم .

کچن کون هیئت جلیله نك ویردیکی قرار اوزرینه ۳۸
 سنه سننك لایحه سی بلکه بازار ایرتسی کونی دردست
 تقدیمدر . حالبوکه : بو ۳۷ معاملاتی تعیین ایچون پایلان
 بودجه لایحه سیدر . اونك ایچون تبدیل ایدله ون .

مالیه وکیلی حسن بك — ۳۳۸ سنه سی موازنه مالییه سنه
 قویمقدن مستغنی اولورز .

توفیق رشدی بك (منتشا) — رئیس بك افندی
 حضر تلی ، هر سنه نك لایحه سی اوسنه یا ندیده او قورسوق
 بربرینه قاریشیدر مامش اولورز . و دها اصابتلی قرار
 آلیرز . عیناً قبول ایدلسون ؟

شکری بك (بولی) — شمندی افندم ! آلتنجی
 ماده یی مطالعه ایدر سه کرم ، نیمه دمیکنی مطالعاتك اصابتی
 کورمش اولور سگز . حرب قازانجلیری قانوننك مواد مخصوصه سنه

توفیقاً ویركودن اولان بورجلرینك محسوبنه مقابل تکالیف
 حربیه و وسائل نقلیه وکرك بالاده کی ماده ، موجبنجه
 دییور . شمندی افندم بالاده کی ماده موجبنجه ۳۳۵ سنه سی
 نهایته قدر متحقق اولان خزینه مطلوبی ایله محسوبی

اجرا ایدیله جك . حالبوکه : شمندی مالییه وکیلی حسن بك
 بوراده کی بیاناتیله بیوردیلرک : ۳۳۶ سنه سیله کسب
 قانونیت ایتشدر . شو حالده بوراده بالاده کی ماده رینه
 ۳۳۷ سنه سنه کسب قانونیت ایدن حرب قازانجلیری قانونی

موجبنجه دینلمك لازم کله جك . شو حالده حرب قازانجلیری
 قانوننك بحث اولنان مواد مخصوصه سنه بو مسئله یه
 متدائر اولان ۶۹ نجی ماده سی عیناً شودر . حرب

قز انجلیری بورجلرینه محسوبی جائز اولان مطلوبات
 ویركونك میعاد تحصیلنك تحقق ایتش اولوب در سعادتده
 اعطایه امرینه اقران ایتش و طشره ده ده تأدییه اولنه بیله جك
 حاله گلش ایکن قانونی ویا اداری اسباب متنوعه دن دولایی
 تسویه ایدیله مین دیون امیره در . آنجق مرور زمانه
 اوغرایان ویا خود دیون غیر منظمه یه تابع اولان مطلوبات

مالیه وکیلی حسن بک — اکلارسکزر افندم .
حاجی مصطفی افندی — اونی تحق ایتدی دیدیکز .
شمدی ده تحق ایتدی یابدیکز .

مالیه وکیلی حسن بک — شمدی افندم ! ماده لر
بر برینه تداخل ایدیور کبی کورونیور . اولر ، آری
آری شیلدر . بر کره صورت عمومی ده ۳۳۵ سنه سی
نهایت قدر اولان خزینه مطلوباتیله عموم دیون دولتک
انواعی تعداد ایدلمش و عمومک محسوبی قبول ایدیورز .

حاجی مصطفی افندی (آقره) — یوق که
مالیه وکیلی حسن بک (دوامله) — صکره حرب
قازانجی قانونی موجبنجه خزینه ذمی ، دینی تحق
ایدنلرک مطلوبانندن هانکی نوع دیون دولتک محسوبی
قبول ایدیورسه ق اونی تخصیص ایتمش . بو قاعده
عمومی در . تخصیص عامی قیید ایدر ، بشقه بر شی یا یماز .
حرب قازانجی و بر کوسی ۳۳۷ سنه سندن صکره دولتک
تحق ایدن بر آله جنی اولدیفنه نظراً بونکله محسوبی
قابل اوله جق ماده ده آنجق تکالیف حربیه و وسائط
نقلیه دن متولد دیون دولتدر . (بونی قبول ایدیورمیسکز ؟
صدالری) عرض ایدم بیلور میم ؟ بو ماده تکالیف حربیه
و وسائط نقلیه به عائد دیون دولتک ؛ ۳۵ دن صوکره
دولت آله جنی اوله رق قانون مخصوصه توفیقاً تحق ایدن
حرب قازانجی و بر کوسیله محسوبی قبول ایدن بر
ماده در ..

حاجی مصطفی افندی (آقره) — اعاشه دن دینی
اولورسه اونی قبول ایتیه جکه میسکز ؟

مالیه وکیلی حسن بک (دوامله) — خلاصه سی
بودر . تکالیف حربیه پاره لرینک معلوم عالی اولدیفنی
و حمله قانون مخصوصه توفیقاً حال حربی تعقیب ایدن
سنه بودجه سنه قونه جق اولان بودجه تخصیصانندن ویرلمسی
لازم کلیر . حال حرب توالی ایتدیکی ایچون بزینه بوماده
قانونیه ایله بر سهولت اولسون دیه حال حربک ختامی
بکله مکسزین دخی جائزالمحسوب یا بق ایستورز .
بوده بر سهولتدر . اهالیکن نفی ایچون قوش بر ماده در .
یوقسه تکالیف حربیه مضبطه لرینک بدلی قانون مخصوصه

توفیقاً آنجق حال حرب ختام بولادقن صکره کله جک
اولان سنه ک مدافعه ملیه بودجه سنه قونولسی لازم
کلیر کن بز حال حربک تمام ایسنه بناء و حرب قازانجی
و بر کوسنک صورت تسویه سی نهون مقصدیله بونی ده
قبول ایتمش بولنیورز که : اهالی له نه در . بونک حال حربی
متعاقب کله جک اولان سنه ک مدافعه ملیه بودجه سنه
قونه جق تخصیصانندن محسوبی اقتضا ایدم جک دگلی ایدی ؟
بو بولده محسوبی اجرا ایدیله جک اولان مقدار دیونانک
مطلوباتله محسوبی اجرا ایدم بیلیمک ایچون ، اونی مدافعه ملیه ک
بودجه سنه عیناً تخصیصات اوله رق قویماز ایجاب ایدم جکدر .
بناء علیه ؛ ماده بونی تأمین ایدر شکلده یازیلیدر .

شکری بک (بولی) — شو حالده نقطه نظر لر
برلشدی .

عصمت بک (چوروم) — افندم ! بو
ماده ک اوزون اوزادی به مناقشه بی کوره جک قدر
فائده سی یوقدر . چونکه : « ۳۳۷ سنه مالیه سی نهایته
قدر » دیورکه بونک یتمه سنه ده اوچ کون قالمشدر .
اگر مالیه وکاتی تکالیف حربیه و وسائط نقلیه بدلاتندن
بو جنس محسوباتی یا بمش ده بو محسوباتی ا کمال ایتک ایچون
بو ماده بی تکلیف ایدیورسه یک اعلا ؛ ایتورسه اوچ
کون ایچنده هیچ پایله جق بر شی یوقدر . (کورولتیلر)
مساعده بیوریکز افندم ! بر کره ایضاح ایدم بیده اوندن
صکره سویله ییکز ۳۳۸ سنه سی نهایته قدر دیه (۳۷) بی
(۳۸) . تصحیح ایدم جک اولورسه ق او وقت حرب
قز انجلی قانوننک ک مهم ماده سی تعدیل ایتمش اولیورز .
(کورولتیلر) ایضاح ایدم ، دیکله ییکز ده اوندن صکره
سویله ییکز . حرب قز انجلی قانوننک مواد مخصوصه سنه ده که
او ماده به عطف ایدیورلر — حرب قز انجلی نیک محسوبی
لازم کلن مطلوبات حرب قز انجلی نیک میعاد تحصیلنده
تحق ایتمش ، اعطای امرینه اقترا ایتمش بالعموم دیون خزینه در .
بو دیون خزینه ایچریسندن یالکز بو ماده تکالیف حربیه
و وسائط نقلیه بی آلمش ، تخصیصاً بونک محسوبی جهته
کیدم جکنی سویلیور . وضماً ماده مالیه وکیلی بوندن ما عداستی ده
محسوب ایتم دیور . شو حالده سن ۳۳۷ تاریخی ۳۳۸ زه

لوزاتیورر میسکر : یعنی ماده قانونیهی دفعهٔ تعدیل
اساسی قبول ایدر میسکر ؟

شکری بك (بولی) -- طبیعی ۰۰۰ بوکون قاج
کون قالمشدر ؟

عصمت بك (دوامله) -- رجا ایدرم شمدی بو
مادهده (۳۷) سنهٔ مالیهی نهایته قدر دینله جکسه او
مدتن اوج کون قالمشدر . ماده نك طی لازمدر ۳۳۸۰
بودجه لایحه سنده بو مادهی مناقشه ایتمک ایجاب ایدر .
مالیه وکیلی حسن بك -- قبول ایدرم ۳۳۸۰ لایحه سنه
قونق اوزر ۳۷ لایحه سندن چیقاریله بیلیر اقدم .

شکری بك (بولی) -- اقدم ؛ بو حرب قازانجلی
ویرکوسنك ۳۳۸ سنهسی تحصیلتی قبول ایتدك .
احتمالک ۳۳۸ سههسی موازنهٔ عمومیه لایحهسی
مارتده دکل بلکه نیشانده چیقاریله میه جقدر . شمدی
بو ۳۳۸ سنه سنده -- دمیدن حسن بککده بیان
بیوردیگی کی -- ۳۳۸ سنهسی نهایته قدر محسوبی اجرا
قلنجی مسئله سنك تصریح ایدلسنه لزوم واردر . چونکه
بوکون ۲۶ شباطده بولنیورز یارین یکر مییدی ، اوبریسی
کون یکر میسکر . هانکی کون ، نه وقت بو قانون چیقه جق ؟
نه وقت محسوب یاپیله جق ؟ بوکا امکان یوق .

توفیق رشیدی بك (منتشا) -- آرقداشلر ! بز بو
مادهی قوبدیغمز وقتدها سنه سنه دن برچوق آیلر واردی .
کرك اجرا وکیلاری هیئت بو مادهی تکلیف ایتدیکی
و کرك بز مطبعهیه ویردیگمز زماندن بری بر چوق آیلر
کچدی . ۳۸ سنهسی بودجه لایحهٔ قانونیهسی ایسه قوتله
امید ایدیورم که : بازار ایتدیکی ، صالی کونی هیئت جلیله کزه
تقدیم ایدلش اوله جقدر . بنساء علیه ؛ ایسترسه کز
مادهی براقیکز . فقط طینده هیچ بر محذور یوقدر .
چونکه عینی ماده ۳۸ بودجه سنده تکرار کله جکدر .
یالکز چوق رجا ایتدیگم مسئله ۳۷ لایحهسی قونوشیلیر کن
۳۸ . عائد خصوصاتی نظر اعتباره آیرسه قاریشدی ریزه ،
ایچندن چیقاماز . اگر بو مادهی (۳۳۸) ده تشمیل
ایتمک ایستیورسه کز بولایحه دن طینی قبول ایدیورز .
حسن فهمی بك (کوشخانه) -- اقدم ! بنده کز

بو ماده حقنده ایضاحات ویره جکدم . مالیه وکیلی طینه
موافقت ایتدیکی ایچون فضله ایضاحاته لزوم کور میورم .
اگر محسوبی اجرا ایدلش ، تقاص یاپیلش ، اولاندر وارسه
ذاتاً اصول محاسبه قانونی اونی تأمین ایتمشدر . بش سنه
ظرفنده تأدیاتی یاپایلیر . تخصیصاتی موجود اولدنجیه . . .
بش سنه دن اول بز معامله مز وارد دکل که : شی
ایدلش اولسون . ایکنجی فقرهسی که : مدافعهٔ ملیه
بودجه سنه آچیق بر تخصیصات علاوه سنی تأمین ایدیور .
صوک ویردیگمز اون ملیونلق آوانسده مع زیادهٔ بونی
تأمین ایتمشدر . ایکنجی بر آچیق قویوده لزوم یوقدر .
بو ماده نك طی لازمدر . (رأیه صداری)

رئیس -- مسئله تنور ایتدی ، ظن ایدرم . مذاکره نك
کفایتی قبول ایدنر لطفاً اللری قالدیرسون ! اقدم مذاکره
کافی کورولمشدر . شمدی اقدم حسن فهمی بك آلتنجی
ماده نك طینی تکلیف ایدیور . موازنهٔ مالیه انجمنی و مالیه
وکیلیده بو تکلیفه موافقت ایدیورلر .

شکری بك (بولی) -- نم بر تعدیل تکلیفم واردر .
رئیس -- اولاً طی تکلیفی رأیه قویله جفزه . قبول
ایدنر سه تعدیل نامه یی رأیه وضع ایدرز . اقدم آلتنجی
ماده نك ، تکلیف وجهله ، طینی قبول ایدنر لطفاً آل
قالدیرسون ! قبول ایدلشدر اقدم . آلتنجی ماده طی
ایدلشدر .

(۷نجی ماده ۶نجی دیه تصحیح وقرائت ایدلدی)
ماده ۶ -- ۱۳۳۷ سنهٔ مالیهی طرفنده جهت
عسکریه جه اشغال ایدلجک املاک امیریه بدل ایجار لر یله
قطعات عسکریه طرفلرندن مالیهیه هاند ویامدور اشیه
وعیناتدن آله جق اولان بالعموم موادک قیمت رایجه لری
مدافعهٔ ملیه نك ۱۳۳۷ تخصیصاتدن تسویه اولنه جقدر .
علی سروری اقدمی (قره حصار شرقی) -- اشغال
ایدیله جک یاکلشدر . اشغال ایدیلان اولمالیدر .
بصری بك (قره سی) -- اقدم ! بو مادهده جهت
عسکریه جه اشغال ایدیلجک املاک امیریه بدل لرنندن بحث
ایدیلور . ظن ایدرم که : یالکز املاک عمومیه امیریه دکل ،
بو میانده املاک خصوصیهٔ امیریهده موجود اولمق لازمکایر .

بر کره آرقداشلر مزدن برینک بویوردینی وجهله بوکون
 شباتک ۲۶ سیدر . شمدی به قدر اشغال ایدلسی لازم
 کان و یا خود جائز اولیان بر جوق مبانی اشغال آنته آلمشدر .
 اونک ایچون اشغال اولنه جق دیه جکمزه اشغال اولنان
 دیرسهک دها طوغری سویله مش اولوز . نانیاً ، دمین ده
 اشبارت ایتدیکم وجهله ، املاک امیری به مالیه وکالتنده
 موجود اولدینی کی اداره خصوصیه مؤسساتنده موجوددر .
 اقدیلر شمدی به قدر دواثر خصوصیه به طأند اولان برخیلی
 مؤسسات ، برخیلی مبانی جهت عسکریه جه تحت اشغاله
 آلمشدر . حتی بو خصوصیه اودرجه ایلری کیدلمشدر که
 بوکون جهه لرده قوماندانار هیچ بر مکتبک اشغاله راضی
 اولما دقلری حالده ؛ جهه کریسنده بولنان مملکتلرده
 مکتبلردن مهم بر قسمی اشغال آنته آلمشدر . مسئله
 حقیقی بر احتیاج و ضرورت مسئله سی اولمق لارم
 کلسه یدی جهه ده بولنان مکتبلر اشغال اولونمق ایجاب
 ایدردی . جهه ده بولنان یرلر ناحیه و قضالردن عبارتدر .
 مبانی دها آزددر . فقط بوکا رغماً جهه قوماندانلری
 هیچ بر مکتبک اشغاله مساعده ایتمه مشلردر . حالبوکه
 داخنده بولنان دارالمعلمینلر ، دارالمعلماتلر ، سلطانیلر
 وسائرلر تماماً اشغال آنته آلمش ، بوکون اولاد
 تالکت سوقاقلره دوکولمشدر . اقدیلر ! استخباراتمزه
 نظر آکچی اوزن موقعی دینلن بر یرده دارالمعلمین بناسی
 ضبط ایدلمش ، اداره خصوصیه به یریه مامشدر . بو بنا
 بوکون دائرة رسمیه ده دکلدر . دائرة خصوصیه در .
 مصطفی کمال بک (ارطغرل) — شخصک مالیدر ،
 حکومتک دکلدر .

بصری بک (قرسی) — دارالمعلمین اتخاذا اولنان
 بنا بوکون بر دائرة رسمیه حالنده اولسه بر درجه به قدر
 تأویل کوتورردی . فقط بر دائرة خصوصیه شکنده در .
 بویه اولدینی حالده بو بنا حکومته یریه مشدر . و یریه مکده
 اصرار ایدلمکده در .
 رأفت پاشا (ازمیر) — اقدم ! اوراسی اودر ، او
 دارالمعلمین طرفدن تخلیه ایدلمش . دارالمعلمین بشقه
 یریه نقل ایدلمشدر . اوراسی دوغریدن دوغری به اودر

حکومتک ، معارفک ، کیمسه نک دکلدر . دوغریدن دوغری به
 بر اودر . و رأفت پاشا اوراده کیرا ایله او طور یور
 بصری بک (قرسی) — بن اورانک او اولدینی
 بیلمیورم . فقط ؛ دارالمعلمینه تخصیص اولوندینی ایشتم .
 بیلمم طوغریمیدر ، دکلیدر ؟
 رأفت پاشا (ازمیر) — مادامکه بیلمیورسک . بو
 بو کرسیده قاقوب سویله مه . او اشغال ایتمش دیه کرسیده
 لاق سویله مه .

بصری بک (قرسی) — بن رأفت پاشادن بحث
 ایتدم . نه اولیورسکز ؟
 توفیق رشدی بک (منتشا) — رئیس اقدی ! اصول
 مذاکره حقتنده سویله جکم . مساعده بویوریر میسکز ؟
 آرقداشلر ! قونوشیلان ماده موازنه لایحه سنده اشغال
 ایدیلن املاک امیری به ایجار بدللرینک مدافعه مالیه تخصیصاتدن
 محسوب مسئله سیدر . بو ، دیگر بر مسئله درکه : آرقداشمز
 آریجه بر تقررله موضوع بحث ایده بیلیر . املاک شخصییه
 حقتنده ایجار تخصیصاتی واردر . مدافعه مالیه بودجه سنده
 چوق استرحام ایدرم . مذاکره بی چیغیرندن چیقارمیه لم .

بصری بک (قرسی) — اقدیلر ! املاک امیری به
 عمومیه بدل ایجار آلمق صورتیه مستفید اولورکن اشغال
 آنته آلتان اداره خصوصیه مبانسی بوندن محروم قالیسه ،
 موافق عدالت اولماز . بن بو نقطه به اعتراض ایدیورم .
 بن اعتراف ایدرم که : دمین موقعی سویلدیکم بنانی
 بن دارالمعلمین بناسی بیلیورم . (دکلی صداری)
 مادامکه : دارالمعلمین بناسی دکلدر . بنم افاده م اوکاشامل
 اولماز . بن بیامیورم . صوکره اقدیلر ! بن بوماده بی قبول
 ایده بیلمک ایچون اول امرده املاک امیری به میانسه املاک
 خصوصیه بدلات ایجاویه سنکده ادخال ایدلسنی ایستیورم .
 مالیه وکیلی حسن بک — او مؤمندر ذاتاً .

بصری بک (قرسی) — نانیاً جهه کیریلرنده اشغال
 اولنان مکتبلرک در حال تخلیه اولنه جغتک وعد اولونمسنی
 ایستیورم . بردهاده مکتبک اشغال ایدلمیه جککنک تأمیننی
 ایستیورم . (ضرورت .. صداری) صکره اقدیلر ! اشغال
 مبانی حقتنده بر طاقم مواد موجود اولدینی حالده ، بر طاقم اصول

موجود اولدنی حالده بواسولک فوقه جیلمق صورته
 مبانئ خصوصیه نکه ده اشغال اولدنی واقعدر. برطاقم
 دیندارلر مرکز خصوصئ اولری ، باغری اشغال آلتنه
 آتمشدر . عجبا مالیه وکالتی ، عجبا حکومت ، کندی
 جنسندن اولان بردارنک اشغال ابتدکی املاک
 امیره ایچون بدل ایجار آراسه اداره خصوصیه مبانئ
 ومبانئ خصوصیه شخصی ایچون بدل ایجار آرانهمق
 وبدل ایجار ویرمه مک موافق حق وعدالتیدر؛ افتدیلر!
 یالکز اشغال اولسه بن بوکاده بدرجهیه قدره کندی
 حسابمه ،راضی اولورم . فقط؛ تجریبده اولویور . رجا
 ایدرم! منتظم ،مدنی بر حکومتز . آرتق بوکجه احواله میدان
 ویرله سین، بوکجه احوالک اوکنه کیلسین . مقصدم بونی غنی
 ایتکدن عبارتدر . بو خصوصه خلاف قانون وقوعولان
 اشغاللر تکرر ایتیمه چکی حقنده بوراده سوز ویرلسنی ایستورم .
 اویله اولمادجه بوماده قانونیه نی بوراده قبول ایتکده معذورم .
 مالیه وکیلی حسن بک — بصری بک رفیقمز اردن
 کوکه قدر حقیدر . یالکز بوراده املاک امیره نکه بدل
 ایجاری قونولدی حالده املاک خصوصیه نکه بدل ایجاری نکه
 قونوله مسندن مسئله نکه اونوتولدیغنه ذاهب اولیورلر .
 طالبوکه بویله دکدره افتدیلر ! مدافعه ملیه وکالتک انده
 بر قانون واردر . احتیاجات عسکریه ایچون لزوم کوردی
 مبانئ اشغال ایدمیلیر . اشغال ایدیلن مبانئ کرک اداره
 خصوصیه نکه ، کرک اشخاص حکمییه نکه اولسون وکرک
 افراد اهاالیدن برینک بولونسون ، مدافعه ملیه وکالتی
 اوقانونه توفیقاً بونلرک بدل ایجاری بوجده سنده کی
 تخصیصاتدن ویرمک مجبوریتده در . اواحکام قانونیه
 بصری بک بردار مرکز نقطه نظرلری تأمین ایتشدر .
 بناء علیه؛ بوراده قونولماسی اداره خصوصیه لره ویاخود
 افراد و اشخاص حکمییه عائد اولوب جهت عسکریه جه
 اشغال اولنان مبانئ بدل ایجاری نکه ویرلمه مسنی استلزام
 ایتمز . ذاتاً آیری بوماده قانونیه ایله بونلر تحت تأمین
 آلدینی ایچون بورایه قونمی آرتق فضولیدر .
 بصری بک (قره سی) — اقدام! افراد ، موجر
 ومستأجره عائد اولان بر بنائی اشغال ایتک قانونیدر ،
 دکلیدر؟ بونی سورویورم .
 مالیه وکیلی حسن بک — آکلایه مادم .

بصری بک (قره سی) — موجری ویا مستأجری
 بولنان بر بنائی اشغاله حاکمز وارمیدر یوقیدر؟
 مالیه وکیلی حسن بک — اوقانونا ویرلشدر اقدام .
 بصری بک (قره سی) — خایر بویله برشی بوقدر .
 مالیه وکیلی حسن بک — اقدام! احتیاجات عسکریه
 ایچون لزوم کوریلن مبانئ بدل ایجاری ویرلک شرطیه؛
 اشغال ایتک حقی اوقانون مدافعه ملییه ویرمشدر .
 بوقانونک تطبیقاتی مضر کور یورسه کتر بونی موقع مرعیتدن
 قالدیررسکمز . اونکله مؤمن اولدینی ایچون بورایه
 قومیوروز . بوراده یالکز املاک امیره نکه بدل ایجاری
 قورتارمق مقصدیلدر . اشغال ایدیلن املاک امیره مشرعی بدل
 ایجار کتیرن املاک امیره دن اولمق اعتباریه بونلرک بدل ایجار
 لرینک آلمسنی تأمین مقصدیه بوماده قانونیه قونمشدر .
 مصطفی کمال بک (انظرل) — اقدام ... (مذا کرم
 کافی صداری) اقدام کچی اورنده کی پاشا حضر تیلرینک
 اوینی سویلیه حکدم . (مذا کرم کافیدر سلسری)
 رئیس — اقدام! مذا کرمی کافی کورنلر اللری
 قالدیرسون !.. مذا کرم کافی کورولدی .
 بصری بک (قره سی) — رئیس افندی! مکتبلر حقنده
 ایضاحات ویرسونلر .
 رئیس — اقدام تعدیلنامه ده بوقدر .
 علی سروری افندی (قره حصار شرقی) — بوکله
 مرحالده بر سهو نتیجه سیدر . تصحیحی لازمدر . اشغال
 ایدیله جک دینیور . اشغال ایدیلن اوله حقدر . تصحیح
 ایدلسون . کذا آله جق اولان دینمش ، آنان اوله حقدر .
 توفیق رشدی بک (مضطه محرری) — بک اعلاء
 بک اعلا قبول ایدیوروز .
 رئیس — اقدام بعدالتصحیح آلتجی ماده نی قبول
 ایدنلر لطفاً ال قالدیرسون! . . . ماده قبول ایدلشدر
 اقدام یدنجی ماده نی یعنی قبل التصحیح سکزنجی ماده نی
 مذا کرم ایدم جکمز . آرقداشلردن بعضیلری خفی جلسه
 تکلیف ایدیورلر . (موافق سلسری) جلسه نکه خفی
 اولمسنی قبول ایدنلر لطفاً ال قالدیرسون ! قبول ایدلشدر .
 ساعت ۰۳۰
 بشنجی جلسه خفیدر

ارغنی مبعوثی امین بکک مآذون بولندی مدت
ظرفنده تام تخصیصاتک ویرلسنی قبول ایدنلر

حمدی نامق بک ایزمیت ، فیضی بک دیاربکر ، علی
علوی بک پوردور ، مصطفی بک درسم ، قدری بک
سعد ، زلفی بک دیاربکر ، حسن فهمی بک کوشخانه ،
علی حیدربک کنج ، موسی کاظم افندی قونی ، مدحت
بک ماردین ، عثمان قدری بک موش ، قاسم بک موش ،
محمد صالح افندی ارضروم ، علی رضا بک قارص ، رسول
افندی بتلیس ، حقی بک ارغنی ، سلیمان سری بک یوزغاد ،
یوسف ضیا بک بتلیس ، رضا بک موش ، حاجی شکری بک
دیاربکر ، جلال بک کنج ، لطفی بک ملاطیه ، رجائی بک
طربزون ، ابراهیم ثریا بک صاروخان ، توفیق بک وان ،
مصطفی کمال بک ارطغرل ، عبدالغنی بک موش ، سعادت
بک قسطنونی ، صدقی بک ملاطیه ، امیر پاشا سیواس ،
امین بک ارغنی ، وهجی بک بتلیس ، درویش بک
ماردین ، حاجی فیضی بک العزیز ، حمدی بک دیاربکر ،
محمود سعید بک موش ، احمد افندی یوزغاد ، توفیق بک درسم ،

ارغنی مبعوثی امین بکک مآذون بولندی مدت ظرفنده کی
تخصیصاتک تام ویرلسنی قبول ایتینلر

نبیل افندی قره حصار صاحب ، عبدالله افندی ایزمیت ،
واصف بک سیواس ، سعید بک کنگری ، سیفی افندی
کوتاهیه ، عاطف افندی آقره ، جمیل بک کوتاهیه ، حاجی
سلیمان افندی ازمیر ، احسان بک جبل برکت ، بسیم بک
قسطنونی ، حاجی مصطفی افندی آقره ، رفعت بک
توقاد ، مصطفی تقی افندی سیواس ، اسماعیل بک ارضروم
خلیل ابراهیم بک ایزمیت ، صلاح الدین بک مرسیین ،
بسیم آتالای بک کوتاهیه ، عبدالرحمن لامع افندی عینتاب ،

یاسین بک اولتی ، محمد شکری بک کوشخانه ، حسین عونی
بک قوزان ، شکری بک جانیک ، بهجت بک کنگری ،
حاکف افندی باطوم ، آرسلان بک مرعش ، ابراهیم بک
قره سی ، ابراهیم افندی اسپارطه ، احمد نوری افندی
باطوم ، شوقی بک ایچ ایل ، فخرالدین بک قارص ، تحسین
بک مرعش ، عبدالله افندی بولی ، صادق افندی قیرشهر
رستم بک آقره ، صائب بک اورفه ، طونه لی حلمی بک
بولی ، سید حسین بک ارزنجان ، راغب بک کوتاهیه ،
حمید بک بیغا ، محمد روشن بک کوشخانه ، علی بک
قره حصار ، خلیل ابراهیم افندی اسکیشهر ، عمر لطفی
بک آماسیه ، نوری افندی سمررد ، عبدالله افندی
سینوب ، رفعت افندی قونی ، راسم بک العزیز ،
عزت بک توقاد ، عمر وصفی بک قره حصار ، عارف بک
استانبول ، حسین حسنی افندی اسپارطه ، صدیق بک
چوروم ، شیخ ثروت افندی بروسه ، ثابت افندی قیصری ،
رمزی افندی اسپارطه ، حاصم بک ارضروم ، خلیل خلقی
افندی سعد ، جلال بک طربزون ، نجیب بک ارطغرل ،
امین افندی آیدین ، نوری بک بولی ، عثمان نوری بک
بروسه ، حسین حسنی بک استانبول ، راغب بک عینتاب ،
شمس الدین افندی آقره ، حاجی قریب آغا ملاطیه ،
حسن افندی دکرتلی ، رضا افندی آماسیه ، نشأت بک
استانبول ، تحسین بک آیدین ، مظلوم بابا افندی دکرتلی ،
خلوصی بک قسطنونی ، نور بک ازمیر ، صبری بک قسطنونی ،
قدری افندی سعد ، حسن بصری بک قره سی ، محمود بک
ارغنی ، نجم الدین بک سعد ، شریف بک سینوب .

مستنکفلر

علی واصف کنج ، مدوح بک قره حصار شرقی .

